





特別  
18  
3414  
1







門 18  
號 3414  
卷 1

御製全金詩序

金有天下武功文治燦然昭明人材  
之萃多在大定明昌之間駸々乎盛  
矣然北元南宋終金之世爭伐聘問  
殆無暇日其典章名物湮沒於當時



東京大學  
昭和25.6.22  
藏

而不傳於後者不知凡幾也太原元  
好問揆中州集以人屬詩以事屬人  
後世有詩史之目而渾源劉祁亦著  
歸潛志可與中州集相參互證焉蓋  
其人文之可考者猶賴此兩書之存

也朕嘗覽金史多採用好問中州集  
益信所謂詩史不虛也曰是亦欲得  
金詩之全以補金史之所未備卓狀  
成一代之書會有全金詩之進遂命  
更加搜緝凡金人集之斷簡殘篇有

可存者皆令附以入及諸山經地志  
川澤之紀閩綴撫薈叢鉅細不遺使  
觀者弗厭其詳而皆有以自擇焉夫  
金在德久遠溘濡蒸育才俊輩出迄  
今及後斯編可以見邦國之光與篤

生之富矣顧金去今垂六百年其禮  
樂聲明載在藝林之詠言者若非中  
州歸潛二書後之人亦烏從而知之  
况夫兼二書之所未備可不永其傳  
也哉

時

康熙五十年辛卯冬日

臣郭元鈞謹

奏臣少時里居性耽吟詠嘗讀金人元好問所  
選中州集詩清真淡宕有宋詩之新而無其  
鄙俚有元詩之麗而無其纖巧文質得宜正  
變有體而好問所作小傳詞意斐亶足以鼓  
吹風雅爲史氏所採擇然其載詩未備紀事  
與劉祁歸潛志往往不合元郝經稱好問著  
中州集一百卷而今存者止十卷其間必有

殘缺未爲全書臣竊私念金有天下一百一十有七年大定明昌承平底定文治之盛不減於他代今世間唐宋元明詩皆有備本獨金無之使不蒼萃表彰則河嶽菁英久愈散失以故不揣愚陋留意收拾數年以來見金人詩中州集所無者卽錄藏篋笥載筆

內廷編纂餘暇復於天下郡縣誌中採輯遺逸漸成卷軸小傳之下參以歸潛志及金元人

銘表題跋並說部諸書凡金人入元不仕者皆附入其末而卽終之以元好問劉祁同異互存洪纖不失期於一代文獻歷歷可考然臣弁鄙無學金人遺集傳於今世者恐有未見或致疎漏伏乞

皇上聖鑒賜之刊正使有成書將一代人文千載如見不惟存詩而已臣卑庸忝竊無所似肖不勝恐悚之至謹



奏

御訂全金詩增補中州集總目

金元好問原本

臣郭元鈺補輯

原集十一卷

今增補六十三卷共七十四卷

原集二百四十六人

今增補一百一十二人共三百五十八人

原集詩一千九百八十二首

今增補詩三千五百六十二首共五千五百四十四首

御訂全金詩增補中州集目錄

金元好問原本

臣郭元鈺補輯

卷首上

帝藻 附郊廟樂章

世宗 一首 補

顯宗 二首

章宗 一首 補六首

海陵王 五首 補

公族

密國公瑋 四十一首 補二首

完顏匡 一首 補

完顏奉國 一首 補

李宸妃 二句 附

三金源

木虎遠 二首 補

烏林達爽 二首 補

溫迪罕某 一首 補

卷首下

樂歌 一百五十一章 補

第一卷

諸相上

張鄆王通古 一首 補

劉曹王豫 七首 補二首

杜丞相充 一首

虞令公仲文 一首

張丞相孝純 一首

張左相汝霖 一首

劉右相長言 一首

右相耶律履 一首

張平章萬公 一首

第二卷

孫太師鐸 一首

董右丞師中 一首

梁參政瑄 一首

賈左丞益謙 一首

丞相壽國公高汝礪 一首

晉鼎 一首

張左丞行中 一首

楊戶部慥 二首

第三卷

狀元

鄭內翰子聃 一首

孟內翰宗獻 六首

趙內翰摠 一首

趙文學承元 一首

張太保行簡 三首

張內翰檝 四首

閻治中長言 八首

李治中著 一首

第四卷

宋耆舊

宇文太學虛中 五十首

吳學士激 二十五首

第五卷

張祕書解 一十八首

蔡丞相松年 五十九首

第六卷

高內翰士談 三十首

馬御史定國 三十一首

第七卷

祝太常簡 一十二首

張子羽 三首

朱諫議之才 一十七首

劉內翰著 二十四首

施內翰宜生 四首 補三首

第八卷

大家二人

承旨党懷英 六十五首

第九卷

禮部間閒趙秉文 一 五百九十八首

第十卷

趙秉文二

第十一卷

趙秉文三

第十二卷

趙秉文四

第十三卷

趙秉文五

第十四卷

趙秉文六

第十五卷

名家十二人

蔡太常珪 四十六首

劉龍山仲尹 二十八首

第十六卷

黃華山主王庭筠 二十八首 補十三首

屏山李純甫 二十九首

第十七卷

劉記室迎 七十六首

第十八卷

禮部楊雲翼 二十一首 補一首

第十九卷

王內翰若虛 三十八首 補二首

麻徵君九疇 二十九首

第二十卷

劉御史從益 三十三首 補二首

雷御史淵 二十九首 補四首

第二十一卷

常山周昂 一百首 補二首

黃山趙颯 三十首 補一首

第二十二卷

諸家



朱葭州自牧 二十首

孫內翰九鼎 一首

劉修撰或 二首

趙內翰可 三首 補二首

劉西岩汲 十一首 補二首

劉內翰瞻 三首

郝內翰侯 二十二首

第二十三卷

張鄆城公藥 三首

任南麓詢 九首

馮臨海子翼 七首

史明府旭 三首

邊內翰元鼎 四十二首

第二十四卷

李承旨晏 七首 補五首

王都運寂 七首

蓮峯真逸喬辰 一首 補二首

劉左司昂 一十一首 補一首

魏內翰搏霄 三首

第二十五卷

許內翰安仁 六首 補二首

王隱君礪 一十三首

劉治中濤 六首

劉左司中 二首

路司諫鐸 二十六首

第二十六卷

師拓 一十二首

酈著作權 一十六首

史御史肅 三十首

第二十七卷

史內翰公弈 一首

蕭尚書貢 三十二首

龐都運鑄 二十首

第二十八卷

許司諫古 四首

王防禦良臣 一十首 補一首

高治中廷玉 四首

李治中適 六首

陳司諫規 二首

馮內翰延登 一十七首

第二十九卷

劉鄧州祖謙 三首

高博州憲 八首

王監使特起 七首

李經 五首

梁太常持勝 一首

愚軒居士趙元 三十四首 補一首

第三十卷

馮內翰璧 一十五首

宋內翰九嘉 一十一首

李右司獻能 二十首

第三十一卷

王右司渥 一十一首 補一首

冀都事禹錫 二首 補一首

蘭泉張建 二十三首

張瓚 一首

毛宮教麾 七首

朱宮教瀾 三首

第三十二卷

姑汾漫士王琢 六首

呂中孚 九首

王元節 三首

李端甫 一首

楊澤州庭秀 二首 補一首

孫省元鎮 一首

張著 二首 補一首

景覃 一首

段繼昌 五首

岳行甫 二首

迂齋周馳 二首

劉太常鐸 七首

第三十三卷

李扶風節 二首

劉勳 一十三首 補一首

李泚 四首

秦畧 一十三首

張琚 二首

馬編修天來 一首

張內翰本 一十首

申編修萬全 二首

崔遵 三首

王主簿革 一首

衛承慶 一首

第三十四卷

劉昂霄 一十三首

田紫芝 三首

王萬鍾 三首

雷瑄 一十九首

王亳州賓 三首

李夷 三首

郭邦彥 六首

第三十五卷

史學 八首

侯冊 五首

王元粹 三十三首

邢內翰具瞻 一首

王太常繪 一首

杜佺 一首

邊轉運元勳 二首

李寧州之翰 四首

三興居士 一首

楊興宗 一首

趙亮功 一首

賈泳 一首

第三十六卷

王鬱 一十二首

王禮部競 一首

元日能 一首

范墀 一首

王雄州仲通 一首

韓內翰汝嘉 一首

王吏部啟 一首

晁洗馬會 一首

王內翰遵古 二首

王汾州璠 二首 補一首

李特進獻可 二首

雷溪魏道明 二首

學易雷思 一首

王大尹儵 一首

高工部有鄰 一首 補三首

宋孟州楫 二首

第三十七卷

高轉運德裔 一首

路冀州仲顯 一首

張代州大節 一首

趙轉運慤 三首

郭祕監長倩 一首

郭錄事用中 一首



趙太常之傑 二首

趙轉運鼎 一首

田轉運特秀 一首

趙漕副文昌 一首

路轉運忱 一首

高密州公振 一首

張轉運毅 一首

宗御史端修 一首

張戶部翰 五首

李好復 二首

楊祕監邦基 一首

第三十八卷

呂陳州子羽 四首

趙鹽部文昌 一首

韓內翰玉 二首

王都運擴 一首

趙吏部伯成 三首

梁錄事仲新 一首

盧待制元 一首

太常卿石抹世勳 一首

范滑州中 一首

趙禮部思文 六首

李坊州芳 一首

第三十九卷

劉鄆縣昂 三首

錦峰王仲元 三首

盧宜陽洵 一首

刁涇州白 三首

劉戶部光謙 一首

毛提舉端卿 一首

康司農錫 一首

張戶部德直 一首

馮辰 一首

王世昌 二首

李宜陽過庭 一首

田錫 二首

張介 一首

龐漢 一首

宋景蕭 二首

李警院天翼 三首

劉神童微 一首

郭宣道 一首

張仲宣 二首

胡汲 一首

王修齡 一首

第四十卷

張參議澄 四首

白賁 一首

王內翰樞 一首

睡軒趙晦 一首

浚水王世賞 四首

南湖靖天民 一首

東臯桑之維 一首

步元舉 一首

馮文叔 一首

張庭玉 一首

宗道 一首

鮮于溥 三首

史士舉 二首

第四十一卷

王敏夫 二首

王利賓 一首

孫益 一首

張巖 一首

徐好問 一首

呂大鵬 一首

高永 一首

孫邦傑 一首

曹用之 一首

趙達夫 二首

邢安國 二首

張溫 一首

馬舜卿 一首

第四十二卷

郝天挺 一首 補五首

溪南詩老辛愿 二十首

第四十三卷

李講議汾 二十五首 補一首

李戶部獻甫 一十三首

蘧然子趙滋 一首

元格 四十三首

元好古 五首

第四十四卷

鶴鳴老人李俊民 七百九十四首 補

第四十五卷

李俊民二

第四十六卷

李俊民三

第四十七卷

李俊民四

第四十八卷

李俊民五

第四十九卷

李俊民六

第五十卷

李俊民七

第五十一卷

麻秉彝 一首 補

移刺霖 二首 補

梁襄 一首 補

胥持國 一首 補

王萬慶 一首 補

張穀 三首 補

孫錡 一首 補

白君舉 二首 補

張子權 二首 補

翟升 一首 補

李廣 一首 補

張邦直 一首 補

雷仲澤 二首 補

楊用道 一首 補

楊容 一首 補

石玠 一首 補

楊鵬 一首 補

盧庸 一首 補

孔彥舟 補

第五十二卷

杜仁傑 二十四首 補

金全 一首 補

王术 一首 補

劉仲游 四首 補

高逸 二首 補

陳君可 一首 補

鄔元章 一首 補

齊希謙 一首 補

張聖予 一首 補

梅澤 一首 補

劉方叔 一首 補



惠吉 二首 補

胡光謙 二首 補

李中立 一首 補

翟欽甫 一首 補

鄭輝 一首 補

雷發 一首 補

蘭世 一首 補

張旻 二首 補

劉仲傑 一首 補

程自修 一首 補

王澹 二首 補

國醫張子和 三首 補

王翰林彪 一首 補

史懷 補

劉琢 補

第五十三卷

異人

擬栩王中立 六首

王子可 七首

照了居士王彧 四首

無事道人董文甫 八首

隱德

薛繼先 一首 附三首

第五十四卷

河汾諸老

貽溪麻革 三十六首 補

石泉張宇 二十首 補

第五十五卷

兌齋曹之謙 四十五首 補

陳參議賡 二十首 補

陳提舉庚 十九首 補

白雲子房皞 三十一首 補

第五十六卷

遜菴段克已上 一百零七首 補

第五十七卷

段克已下

第五十八卷

菊軒段成已上 二百零四首 補

第五十九卷

段成已下

第六十卷

道釋

重陽真人王嘉 四首 補

第六十一卷

長真子譚處端 十六首 補

離峰老人 一首 補

秦志安 一首 補

李志方 一首 補

無名老人 一首 補

然逸期 三首 補

趙抱淵 一首 補

呂道安 一首 補

白道玄 一首 補

萬松老人 二首 補

重玉 一首 補

釋圓機 二首 補

木庵 一首 補

第六十二卷

讌會

成趣園詩

党懷英 一首 補

張昌祚 一首 補

李永安 一首 補

鄺掖 一首 補

路鐸 一首 補

崔巍 一首 補

田時秀 一首 補

郭安民 一首 補

劉仲傑 一首 補

崔巍 又一首 補

李永安 一首 補

李楫 一首 補

高延年 一首 補

初昌紹 一首 補

海會寺宴集詩

鄭輝 一首 補

楊天衢 二首 補

楊之休 一首 補

劉邦彥 一首 補

名媛仙鬼謠諺無名雜詩

馮氏婦 一首 補

張秦娥 四首 補

女冠元氏 一首 補

無名氏 三首 補

正隆童謠 補

貞祐童謠 補

明昌童謠 補

興定童謠 補

泰和童謠 補

斜卯愛實 補

石碣詩 補

韓魏公祠堂詩 補

楊真君降筆 補

詛祝歌 補

宮婢玉真 二首 補

浙川木中詩 一首 補

第六十三卷

遺獻二人

元好問一

一千三百五十六首

補

第六十四卷

元好問二

第六十五卷

元好問三

第六十六卷

元好問四

第六十七卷

元好問五

第六十八卷

元好問六

第六十九卷

元好問七

第七十卷

元好問八

第七十一卷

元好問九

第七十二卷

元好問十

神川遜士劉祁 八首 補

御訂全金詩增補中州集卷首上

金元好問原本

帝藻 附郊廟樂章一百五十一首

世宗 一首 補

**補**金史贊世宗躬節儉崇孝弟信賞罰重農桑慎守令之選嚴廉察之責却任得敬



分國之請拒趙位寵郡縣之獻孳孳爲治  
夜以繼日可謂得爲君之道矣當此之時  
羣臣守職上下相安家給人足倉廩有餘  
刑部歲斷死罪或十七人或二十人號小  
堯舜此其效驗也

本朝樂曲

猗歟我祖聖矣武元誕膺明命功光於天拯溺救  
焚深根固蒂克開我後傳福萬世無何海陵淫昏

多罪反易天道荼毒海內自昔肇基至於繼體積  
累之業淪胥且墜望戴所歸不謀同意宗廟至重  
人心難拒勉副樂推肆予嗣緒二十四年兢業萬  
幾億兆庶姓懷保安綏國家閒暇廓然無事乃眷  
上都興帝之第屬茲來游惻然予思風物減耗殆  
非昔時於鄉於里皆非初始雖非初始朕自樂此  
雖非昔時朕無異視瞻戀慨想祖宗舊宇屬屬音  
容宛然如覩童孺慕歷歷其處壯歲經行恍然

如故舊年從游依稀如昨歡誠契濶且莫嗟若於  
嗟濶別兮云胡不樂

臣按此詩世宗御撰謂之本曲金史云大  
定二十五年四月帝幸上京宴宗室於皇  
武殿飲酒樂上諭之曰今日甚欲成醉此  
樂不易得也昔漢高祖過故鄉與父老歡  
飲擊筑而歌令諸兒和之彼起布衣尚且  
如是況我祖宗世有此土今天下一統朕

巡幸至此何不樂飲於是宗室婦女起舞  
進酒畢羣臣父老起舞上曰吾來故鄉數  
月矣今迴期已近未嘗有一人歌本曲者  
汝曹來前爲汝歌乃命宗室子叙坐殿下  
者皆上殿面聽上歌曲道祖宗創業艱難  
及所以繼述之意上旣自歌至慨想祖宗  
音容如覩之語悲感不復能成聲歌畢泣  
下數行右丞相元忠暨羣臣宗戚捧觴上

全金詩卷首  
三  
壽皆稱萬歲於是諸老人更歌本曲如私家相會暢然歡洽上復續調歌曲留坐一更極歡而罷

**附**宇文懋昭大金國志大定六年正月巳酉朔大會羣臣於紫極殿始用百戲酒三行則樂作鳴鈺擊鼓百戲出場有大旗獅豹蹺索上竿之類

**附**大金國志四月三日金主與太子諸王在京苑賞牡丹晉王允猷賦詩以陳和者十五人完顏偉兀木子探知其意直前頓首言曰國家君臣將帥皆以勇力戰爭雄畧故能滅遼滅宋混一南北諸番畏懼自近年多用遼宋亡國遺臣以富貴文字壞我土俗先臣昔在順昌爲劉錡所敗便歎用兵已不如天會時皆是年來貪安漸爲人侮今皇帝旣一向不說着兵使說文字

人朝夕在側遺宋所傳之主是有志報復  
今滕骨不受調役夏人亦復侵邊陛下舍  
戰鬪之士謂其不足與語不知三邊有急  
把作詩人去當得否主默然左右皆駭目  
相顧知內省事余萬福向前扶之曰皇帝  
方歡飲郎君却作苦惱人耶扶起去之自  
是文武分黨如冰炭矣

顯宗 二首

**補**歸潛志宣孝太子世宗子章宗父也追  
諡顯宗好文學作詩善畫人物馬尤工迄  
今人間多有存者

賜石右相琚生日之壽

大定辛酉  
承華殿書

黃閣今姚宋青宮舊綺園繡絺歸里社冠蓋畫都  
門善訓懷師席深仁寄壽尊所期河潤溥餘福被

元元

風箏

心與寥寥太古通  
手隨輕籟入天風  
山長水濶無尋處  
聲在亂雲空碧中

中州集原註此詩山陽民家有上御書無篇題不知何人作及見唐高駢賦風箏云夜靜絃聲響碧空宮商信任往來風依稀似曲才堪聽又被移將別調中乃知上所書蓋風箏詩而又次駢韻者也姑存之以

俟更考

**附**金史世紀補顯宗諱允恭本諱胡土瓦世宗第二子章宗父世宗卽位封楚王置官屬賜名允迪專心學問與諸儒臣講議於承華殿燕閒觀書乙夜忘倦

**附**圖繪寶鑑顯宗畫獐鹿人馬學李伯時墨竹自成一家雖未臻神妙亦不涉流俗章宗每題其籤

附張仲壽題金顯宗墨竹卷顯宗去東坡  
與可未遠自得汴後漸染文物典章之道  
所以金之初政濟濟可觀

附宋濂題金顯宗所畫墨竹右裕陵所畫  
墨竹一小枝復自題其右云大定戊子十  
一月十三日戲筆承華殿濂按裕陵諱允  
恭興陵嫡子皇統六年始生生十六年興  
陵卽位封爲楚王實大定元年也二年五

月壬寅立爲皇太子八年正月庚戌授皇  
太子冊寶二十六年六月庚申崩所謂戊  
子乃大定之八年而作此竹時年二十有  
三正當受冊寶之歲其在青坊亦已越七  
載矣又十八年而厭棄人世未嘗入繼大  
統而籤題書曰顯宗皇帝者則其子道陵  
紹位追謚十字帝號而廟曰顯宗實大定  
二十九年五月甲午也顯宗自正儲貳之

後專心問學涉獵經史與諸儒講議承華  
苟無大故無一時不在稍有餘閒輒遊戲  
翰墨往往散落於人間者皆強勁挺拔可  
玩或者遂謂其雅好墨竹他無所嗜殊不  
知其英敏仁厚慨然有志古帝王之治徒  
以降年不永不得與厥父疊照重熙世方  
以爲恨顧乃以翰墨餘事而稱其能不亦  
厚誣君子也哉善乎劉文靖公之言曰天  
人與竹皆真龍其殆有以知顯宗矣龍泉  
章君溢出示此卷求題因書而歸之

**附**明嚴永濬中州集序光孝在儲位二十  
餘年事興陵能承意開導四方陰受其賜  
所謂餘福被元元者嘗於賜宰相壽日詩  
見之

**附**湛然居士集顯宗在東宮時嘗讀東坡  
鐵柱杖詩因召侍臣鄭子聃問杖之存亡

子聃以在睢陽爲對因以數千緡購於張  
文定公孫其孫藏於屋棟子聃竟不得一  
見云

章宗

一首

補六首

**補**歸潛志章宗天資聰悟詩詞多有可稱  
者其宮中絕句及命翰林待制朱瀾侍夜  
飲詩真帝王作也嘗爲鐵券行數十韻筆  
力甚雄又有送張建致仕歸弔王庭筠下  
世詩具載飛龍記中

雲龍川泰和殿五月牡丹

洛陽穀雨紅千葉嶺外朱明玉一枝地力發生雖



有異天公造物本無私

命翰林待制朱瀾侍夜飲詩

夜飲何所樂所樂無喧譁三杯淡醅醪一曲冷琵琶坐久香成穗夜深燈欲花陶陶復陶陶醉鄉豈有涯

宮中絕句

五雲金碧拱朝霞樓閣崢嶸帝子家三十六宮簾盡捲東風無處不楊花

軟金杯詞

擘橙爲之

風流紫府郎痛飲烏紗岸柔軟九迴腸冷怯玻璃碗纖纖白玉葱分破黃金彈借得洞庭春飛上桃花面

遊龍山御製

龍山卽石壁寺

嵯峨雲影幾千重高出塵寰迥不同金色界中兜率境碧蓮花裏梵王宮鶴驚秋露三更月虎嘯疎林萬壑風試拂花牋爲覓句詩成自適任非工

水竇巖漱玉亭

斷岸連蒼山寒巖多積雪中有萬古泉淙淙聲不

絕

仰山

燕京西七十里有仰山峯巒拱秀中有平頂如蓮花心旁有五峯曰獨秀翠微

紫蓋妙高紫微下多禪刹章宗游幸有詩刻石

金色界中兜率景碧蓮花裏梵王宮鶴驚清露三更月虎嘯疎林萬壑風

**附** 癸辛雜識金章宗之母乃徽宗某公主

之女也故章宗凡嗜好書劄悉效宣和字畫尤為逼真金國之典章文物惟明昌為盛

**附** 春明夢餘錄慶壽寺舊有石刻金章宗飛渡橋飛虹橋六大字

**附** 書史會要章宗喜作字專師宋徽宗瘦金書

**附** 大金國志承安四年二月詔建太學於

京城之南總爲屋七十有五區西序置古  
今文籍秘省新所賜書東序置三代鼎彝  
俎豆敦盤尊壘及春秋釋奠合用祭器於  
是行禮於辟雍祀先師孔子召郡國學生  
通一經以上者居之公卿以下子孫並入  
學受業每季臨觀課其優劣學徒甚盛諸  
生獻詩頌文賦者四百人國主博學工詩  
曾於雲龍川泰和殿賞牡丹詠詩云云時

五月初也

**附**堯山堂外紀章宗喜書畫宣和閒嘗以  
蘇合油搜烟爲墨章宗僅購得一兩價黃  
金一觔欲倣爲之不能

**附**太平清話金章宗蓬萊院內宴時所陳  
玉器及諸玩好盈前視其篆識多南宋宣  
和物

**附**長安可游記下黃牛岡口取仰山道轉

一岡爲南莊復歷峻坂土中有三斷石讀  
之乃知爲大興府西連山棲隱寺金大定  
初建有五峰八亭章宗屢游之嘗題詩刻  
石今亡矣

**附**秋澗集慶壽精藍丈室之前松樾盈庭  
景色蕭爽嘗引流水貫東西梁今水堙橋  
廢止存二石屏上刻飛渡橋飛虹橋六字  
筆力遒勁勢極飛動有王禮部無競風格

寺中相傳金道陵筆也

海陵王

五首

補

**補**歸潛志金海陵庶人讀書有文才爲藩  
王時嘗書人扇云大柄若在手清風滿天  
下人知其大志正隆南征至維揚望江左  
賦詩其志氣亦不淺

過汝陰作

門掩黃昏染綠苔那回踪跡半塵埃空庭日暮鳥  
爭笑幽徑草深人未來數仞假山當戶壩一池春

水遶樓臺繁花不識興亡地猶倚闌干次第開

以事出使道驛有竹輒詠之

爲岐王時作

孤驛瀟瀟竹一叢不聞凡卉媚東風我心正與君  
相似只待雲梢拂碧空

書壁述懷

蛟龍潛匿隱滄波且與蝦蟆作混和等待一朝頭  
角就撼搖霹靂震山河

見几間有巖桂植瓶中索筆賦

綠葉枝頭金縷裝秋深自有別般香一朝揚汝名  
天下也學君王著赭黃

南征至維揚望江左

一作題  
西湖圖

萬里車書盡會同江南豈有別疆封屯

一作  
提

兵百

萬西湖上立馬吳山第一峰

**附**

繪事備考海陵煬王以才藝自矜好寫

方竹亦有奇致嘗遣使入宋藏畫工於衆

中潛寫西湖圖歸國而繪已象於吳山最

高處因有立馬吳山第一峰之句

**附**范成大攬轡錄金不鑄錢惟煬王亮嘗一鑄正隆錢絕不多餘悉用舊錢

**附**大金國志天德四年冬燕京新宮成主率文武百官自會寧府遷都於燕貞元元年正月元夕張燈宴丞相以下於燕之新宮賦詩縱飲盡歡而罷

**附**大金國志金主令諸處統軍擇其精於射者得五千人皆用茸絲聯甲紫絲爲上黃茸青茸次之號硬軍亦曰細軍國主每自詫曰取江南此五千人足矣

**附**中興禦侮錄海陵一日發揚州望江亭指顧江山之勝謂其下曰朕不入浙誓不返國因改其亭曰不歸臺賦詩云云蓋不歸之識已是先見之矣

**附**程史金主未立封岐王爲平章政事頗

知書好爲詩詞語出輒崛彊惻惻有不爲  
人下之意境內多傳之其居位時好文辭  
猶不輟將圖南牧遣施宜生來賀天申節  
隱畫工於中使圖臨安之城邑及吳山西  
湖之勝以歸旣進繪事大喜矚然有垂涎  
杭越之想亟命撤坐閒軟屏更設所獻而  
於吳山絕頂貌已之狀策馬而立題其上  
云云遷汴之歲中秋舉杯待月不至賦鵲

橋仙云停杯不舉停歌不發等候銀蟾出  
海不知何處片雲來做許大通天障礙髭  
髯撚斷星眸睜裂惟恨劍鋒不快一揮截  
斷紫雲腰仔細看嫦娥體態明年竟遂前  
謀使御前都統驃騎衛大將軍韓夷耶將  
射雕軍二萬三千圍子細軍一萬先下兩  
淮臨發賜所製喜遷鶯以爲寵曰旌麾初  
舉正駛驥力健嘶風江渚射虎將軍落鷗



都尉繡帽錦袍翹楚怒礫戟髯爭奮捲地  
一聲鼙鼓笑談頃指長江齊驟六師飛渡  
此去無自墮金印如斗獨把功名取斷鎖  
機謀垂鞭方畧人事本無今古試展臥龍  
韜韞果見成功旦莫問江左想雲霓望切  
玄黃迎路余又嘗問開禧降者能誦憶尚  
多不能盡識觀其所存寓一二於千百其  
桀驁之氣已溢於辭表他蓋可知也軟屏

詩正隆事迹以爲翰林修撰蔡珪所作詭  
曰御製反覆他作似出一機杼或者傳疑  
益訛抑其餘皆出於視草亦無所致詰錄

所見者聊以寓志怪云

張棣正隆事蹟  
記所載畧同

**附**中興禦侮錄海陵所任信者皆宋之叛  
臣如施宜生馮長寧張中孚中彥等列置  
臺省倚爲心腹而李成酈瓊孟斌孔彥舟  
之徒各主兵務任爲牙爪與之謀爲南牧

計者未嘗一日忘也宜生尤爲所倚信用  
以爲相力陳南侵計且勸都汴或陳不可  
狀海陵曰使吾爲中原天子足矣何爲不  
可遂下詔遷都有咨爾萬方當懷一統之  
語

**附**夷堅志建康歸正官王和尚濟南人能  
誦金主亮小詞其詠雪昭君怨曰昨日樵  
村漁浦今日瓊川玉渚山色捲簾看老峰

巒錦帳美人貪睡不覺天花剪水驚問是  
楊花是蘆花

**附**金小史初金主亮遣施宜生往來爲賀  
正使隱畫工於中密寫臨安之湖山以歸  
亮令圖爲軟壁而圖已像策馬於吳山絕  
頂是時已自有南窺之意及亮與幸臣梁  
漢臣遊宮中聞人唱柳耆卿望海潮曲皆  
錢塘景物亮問之曰適唱何調答曰望海

潮梁漢臣曰此神仙詞也時孔彥舟進木  
犀一株亮喜梁漢臣曰此花乃江南植以  
爲薪於是亮問朝中誰曾往江南梁漢臣  
曰有兵部尚書胡隣曾到遂召之首問錢  
塘隣曰臣使江南揚州瓊花潤州金山平  
江姑蘇錢塘西湖尤爲天下美觀其地更  
有多多美景但臣迹不得到只此數景天  
下已罕况於他乎亮聞之大喜遂決意南

征

**附**吟嚙集孫何帥錢塘柳永作望海潮詞  
贈之流播金國金主亮聞三秋桂子十里  
荷花遂起投鞭渡江之心時人詩云誰把  
杭州曲子謳荷香十里桂三秋那知卉木  
無情物牽動長江萬里愁

**附**金詩紀事案宋羅大經鶴林玉露萬里  
車書一首爲謝處厚作

二十一  
回

公族

密國公璫

四十一首

補二首

密公字子瑜興陵之孫越王之長子百年  
 以來宗室中第一流人也少日學詩於朱  
 巨觀學書於任君謨遂有出藍之譽文筆  
 亦委曲能道所欲言朝臣自閒閒公楊禮  
 部雷御史而下皆推重之資雅重薄於世  
 味好賢樂善寒士有不能及者明昌以來

諸王公子皆不與外交故公得窮日力於書讀通鑑至三十餘過是非成敗道之如目前時諸王公子皆不得與外交後稍出游文士輩亦時至其門家所藏法書名畫幾與中祕等客至貧不能具酒肴設蔬飯與之共食焚香煮茗盡出藏書商畧之談大定明昌以來故事或終日不聽客去風流蘊藉有承平時王孫故態使人樂之而不厭也所居有樗軒又有如菴自號樗軒老人其詩號如菴小藁

**補**歸潛志壽字仲寶世宗之孫越王允常子也幼有俊才能詩工書自號樗軒居士宣宗南渡公以開府儀同三司奉朝請家居止以講誦吟詠爲樂時時與士大夫唱酬正大間余入南京因訪僧仁上人會公至相見欣然其舉止談笑真一老儒殊無

金鑑詩卷首  
三  
驕貴之態後因造其第一室蕭然琴書滿  
案諸子環侍無俗談可謂賢公子矣廼出  
其所藏書畫數十軸皆世間罕見者後余  
適陳送以二詩甚佳又爲余先子集作後  
序一時文士如雷希顏元裕之李長源王  
飛伯皆遊其門飛伯嘗有詩云宣平坊裏  
榆林巷便是臨淄公子家寂寞畫堂豪貴  
少時容詞客聽琵琶蓋實錄也五子幼曰  
守禧字慶之年少亦有俊才作詩與字畫  
亦可喜狀貌白皙風神秀徹如仙人公特  
鍾愛嘗謂余指其書畫曰將以副斯人崔  
立之變皇族皆聚於禁中將北遷慶之病  
卒年未三十公平生詩文甚多晚自刊其  
詩三百首樂府一百首號如菴小藁趙閒  
閒序之行於世其佳句甚有唐人遠意不  
可謂無志者也

秋郊雨中

羸驂破蓋雨淋浪一抹烟林覆野塘不著沙禽閒  
點綴只橫秋浦更淒涼

宴息二首

宴息春光晚閒眠晝景虛冥心居大道達理契真  
如樂對忘形友欣逢未見書世間幽隱者何必盡  
樵漁

日日閒窓下簟瓢樂不殊花魁穠且艷湖玉秀而

臞憶友尋詩卷思山展畫圖丹青傳六逸能著老  
夫無

梁臺

汴水悠悠蔡水來秋風古道野花開行人驚起田  
間雉飛上梁王鼓吹臺

自適

晴晝搖涼光長空澹虛碧燕鴻亦何爲老翅南又  
北衰柳墮殘葉庭戶覺岑寂幽人誦佛書清香縈

几席西方病維摩東臯醉王績俱到忘言地佳處  
畧相敵小齋蝸角許夜臥膝仍屈能以道眼觀寬  
大猶四極有書貯實腹無事梗虛臆謝絕聲利徒  
尚友古遺直

城西

鴈帶邊聲遠牛橫廢壠長人居似河朔岡勢接滎  
陽禾短新村墅沙平古戰場悠然望西北莫色起  
悲涼

送王生西遊

飛伯

紫陘仙人今淵雲騎風御氣七尺身丈夫恥與噲  
等伍故作野鶴昂雞羣往年書劍游梁日咳唾中  
間滿珠璧溫子徒勞手八叉蘇老猶迷目五色慨  
然拂袖遊嵩陽西南陌上書傳香仲宣堂堂舍我  
去舉杯却愁愁更長去程相近黃袍節三十六峰  
如玉列龍門楓葉墮紅綃洛浦蘆花舞晴雪勲名  
細事猶秋毫政可痛飲讀離騷天津月照紫綺裘



緜嶺風吹青玉簫我無羽翼隨君起浩歌相送秋  
光裏憑高西望青茫茫落日無情下寒水

王生以秋騷見示復以此謝之

三年京國與君遊每恨知君尚未周始露雄文陵  
楚些又登長陌佩吳鉤燈殘茅店雞催曉霜落金  
風鴈喚秋後夜文星出西洛仲宣知在水南樓

自題寫真

枯木寒灰久亦神因緣來現昨公身只緣酷愛東

坡老人道前身趙德麟

樛軒嘗封昨國公故云

黃華畫古柏

黃華老人畫古柏鐵簡將軍挽大弨意足不求顏

色似荔支風味配江瑤

鐵簡萬戶以神射名天下

書龍德宮八景亭

刻桷朱楹墮紺紗裙腰草色趁堦斜誰知剝落亭  
中石曾聽宣和玉樹花

思歸

四時唯覺漏聲長幾度吟殘蠟燭缸驚夢故人風  
動竹催春羯鼓雨敲窓新詩淡似鶯黃酒歸思濃  
如鴨綠江遙想翠雲亭下水滿陂青草鷺鷥雙

如菴樂事

人間最美安心睡睡起從容盥漱終七卷蓮經藝  
沈水一杯湯餅潑油蔥因循默坐規禪老取次拈  
詩教小童炕暖窓明有書冊不知何者是窮通

題晉卿王暉寶繪

顧陸張吳寶繪堂風花雪月保寧坊錦囊玉軸三  
千幅翠袖金釵十二行數筆丹青叅季范一時遷  
謫爲蘇黃太原珍玩名天下舊跡猶憑古印章

得友人書

聞有書來喜欲狂紫芝眉宇久難忘別離惟歎我  
頭白詩句屢成君馬黃公幹羈棲猶洛下孔明高  
臥尚南陽冷官領取閒中趣遠勝區區夢蟻忙

內族子銳歸來堂

一旦能知夢裏真平生看破主中賓歸來堂上忘  
形友名利場邊稅駕人東郭風烟宜蕙帳南山猿  
鶴識綸巾清尊雅趣閒棊味盞盞冲和局局新

題潘閩夜歸圖

不是詩人灞水壩又非野老曲江邊風姿便認王  
摩詰蘊藉還疑李謫仙驢背倒騎蓮嶽下牛腰穩  
跨竹林前掀髯對月餘高興明日佳篇幾處傳

漫賦

貧知囊底一錢無老覺人間萬事虛富貴儻來終  
作麼勲名便了又何如季鷹未飽松江鱸魯望將  
成笠澤書自是杜門無客過不關多病故人疎

寓跡

寓跡山中記昔年西溪卜築欲終焉飄零何在五  
株柳離亂難歸二頃田漫叟未能忘野寺道人猶  
解識林泉吾鄉已宅無何有一笑醯雞盡甕天

秋晚出郭閒遊

塵中俗事海漫漫暫出城闈藉眼寬沙麓去邊羣  
牧小野雲平處一鷗盤殘荷露水秋光晚衰柳搖  
風古渡寒此幅大年橫景畫魯岡圖上似曾看

老境

老境唯禪況幽居似寶坊酒杯盛硯水經卷貯詩  
囊懶甚書彌少閒多夢自長不知何處雨徑作夜  
來涼

北郊晚步

陂水荷凋晚茅簷燕去涼遠林明落景平麓淡秋  
光羣牧歸村巷孤禽立野航自諳閒散樂園圃意  
尤長

閒詠

歲晚陶元亮平生馬少游凋殘半枯木浩蕩一虛  
舟鶴望塵迷眼雞棲屋打頭瓶儲尚蕭索焉敢計  
菟裘

池蓮

全金言卷首  
三  
輕輕姿質淡娟娟  
點綴圓池亦可憐  
數點飛來荷葉雨  
莫香分得小江天

梁園

一十八里汴堤柳  
三十六橋梁苑花  
縱使風光都似舊  
北人見了也思家

釋迦出山息軒畫

龐眉袖手出巖阿  
及至拈花事已訛  
千古雪山山下路  
杖藜無處避藤蘿

過胥相墓

亭亭華表映朱門  
始見征西宰相尊  
下馬讀碑人不識  
夷山高處望中原

秋日小雨

白鷺裴回花鴨遊  
城南城北幾汀洲  
綠荷風底飛來雨  
做弄今年甲子秋

東郊瘦馬

此歲無秋畝畝空  
病驂難遣齧枯叢  
倉儲自益鴛

駝肉獨爾空嘶苜蓿風

枕上聽雨

臥聽羯鼓打涼州元是芭蕉細雨秋庭際玉簪開  
幾許小窓特地莫香幽

溪景

飛飛鷗鳥自徜徉也解新秋受用涼日莫碧溪微  
雨過滿風都是藕花香

題紙衣道者圖

紫袍披上金橫帶藜杖拖來紙掩襟富貴山林爭  
幾許萬緣唯要總無心

春半喜晴

陰寒二月雪含雲兩日開晴淑景新借問海棠紅  
幾許杏花楊柳不曾春

漁父詞二首

楊柳風前白板扉荷花雨裏綠蓑衣紅稻美錦鱗  
肥漁笛閒拈月下吹

釣得魚來臥看書  
船頭穩置酒葫蘆  
烟際柳雨中  
蒲乞與人間作畫圖

馬伏波

可歎迂疎一老翁  
豈堪牀下拜梁松  
明珠薏苡猶  
難辨萬里爭教論杜龍

留侯

辟穀輕身慕赤松  
不知誰舉傅春宮  
君方避溺猶  
居水忍使餘波及四翁

對鏡二首

鏡中色相類吾深  
吾面終難鏡裏尋  
明月印空空  
受月是他空月本無心  
明明非淺亦非深  
何事癡人泥影尋  
照見大千真  
法體不關形相不關心

夏晚登樓

登樓晚暑復相攻  
快意清風忽此逢  
雲似碧山天  
似水霽波平浸兩三峰

華亭

世尊遺法本忘言  
教外別傳意已圓  
隻履攜將葱嶺去  
不妨來上月明船

聞閒閒再起爲翰林

蓮燭光中久廢吟  
一朝超擢睿恩深  
四朝耆舊大宗伯  
三紀聲名老翰林  
人道蛟龍得雲雨  
我知麋鹿強冠襟  
寶巖空谷西窓夢  
不信秋來不上心

絕句

孟津休道濁於涇  
若遇承平也敢清  
清河朔幾時桑柘底  
只談王道不談兵

**附**元好問如菴詩文序密國公璫字子瑜

越王長子而興陵之諸孫也  
明昌初已受封公以例授金紫光祿大夫  
衛紹王時除開府儀同三司  
宣宗南渡後封胙國公  
哀宗正大初進封密  
自明昌初鎬厲等二王得罪後諸王皆置傳與司馬府尉文學名



爲王府官屬而實監守之府門啓閉有時  
王子若孫及外人不得輒出入出入皆有  
籍訶問嚴甚金紫若國公雖大官無所事  
事止於奉朝請而已密公班朝著者如是  
四十年初燕都遷而南危急存亡之際凡  
車輅宮縣寶玉秘器所以資丕天之奉者  
舟車輦運國力不贍至汴者千之一耳而  
諸王公貴主至有脫身而去者公家法書

名畫連箱累篋寶惜固護與身存亡故他  
貨一錢不得著身方遷革倉卒朝廷止以  
乏軍興爲憂百官俸給減削幾盡歲日所  
入大官不能贍百指而密公又宗室之貧  
無以爲資者其落薄失次爲可見矣元光  
以後王薨門禁緩文士稍遂歛謁然亦不  
過三數人而止矣公資稟簡重而至誠接  
物不知名爵爲何物少日師三川朱巨觀

學詩龍巖任君謨學書真積之久遂擅出  
藍之譽於書無所不讀而以資治通鑑爲  
專門馳騁上下千有三百餘年之事其善  
惡是非得失成敗道之如目前穿貫他書  
考證同異雖老於史學者不加詳也名勝  
過門明窓棐几展玩圖籍商略品第顧陸  
朱吳筆虛筆實之論極幽眇及論二王筆  
墨推明草書學究之說窮高妙而一言半

辭皆可紀錄典衣置酒或終日不聽客去

爐薰茗椀或橙蜜一杯有承平時王家故  
態使人愛之而不能忘也字畫得於蘇黃  
之間叅禪於善西堂名曰祖敬自題寫真  
有枯木寒灰亦自神應緣來現胙公身只  
緣苦愛東坡老人道前身趙德麟之句舊  
制國公祭山陵則佩虎符乘傳號曰嚴祭  
若上清儲祥宮若太乙宮五嶽觀設醮上

方相藍大道場則國公代行香公多預焉  
又有詩自戲云借來羸馬鈍於墻馬上官  
人病且症無用老臣還有用一年三五度  
燒香蓋寶錄云公詩五卷號如菴小藁者  
汴梁醫書家有之樂府云夢到鳳凰臺上  
山圍故國週遭又云咫尺又還秋也不成  
長似雲閒識者聞而悲之予竊謂古今愛  
作詩者特晉人之自放於酒耳吟詠情性

留連光景自當爲緩憂之一物在公則又  
以之遯世無悶獨立而不懼者也使公得  
時行所學以文武之材當專面正朝之任  
長轡遠馭何必減古人顧與槁項黃馘之  
士爭一日之長於筆硯間哉朝家疎近族  
而倚疏屬其敝乃至於此可爲浩嘆也天  
興壬辰曹王出質公求見於隆德殿上問  
叔父欲何言公奏聞李德雖議和李德不

全金言卷首  
苦諳練恐不能辦大事者臣請副之或代  
其行上慰之曰南渡後國家比承平時有  
何奉養然叔父亦未嘗沾丐無事則置之  
冷地無所顧籍緩急則置於不測叔父盡  
忠固可天下其謂我何叔父休矣於是君  
臣相顧泣下未幾公感疾以其夏五月十  
有二日薨春秋六十一後二十有六年此  
集再刻於大名門下士河東人元某爲之

引

**附**畫史會要密國公喜作墨竹自成規格  
亦甚可觀

完顏匡 一首 補

**補**金史完顏匡本名撒速世祖九世孫事  
幽王允成爲其府教讀大定十九年章宗  
年十餘歲顯宗命詹事烏林答愿擇德行  
淳謹才學該通者使教章宗兄弟閱月愿  
啓顯宗曰幽王府教讀完顏撒速徐王府  
教讀僕散訛可二人可使教皇孫兄弟顯  
宗曰典教幼子須用淳謹者已而召見於

承華殿西便殿顯宗問其年對曰臣生之  
歲海陵自上京遷中都歲在壬申顯宗曰  
二十八歲爾詹事乃云三十歲何也匡曰  
臣年止如此詹事謂臣出入宮禁故增其  
歲言之耳顯宗顧謂近臣曰篤實人也命  
擇日使皇孫行師弟子禮七月丁亥宣宗  
章宗皆就學顯宗曰每日先教漢字至申  
時漢字課畢教女直小字習國朝語因賜

酒及綵幣頃之世宗詔匡訛可俱充太子  
侍讀寢殿小底馳滿九住問匡曰伯夷叔  
齊何如人匡曰孔子稱夷齊求仁得仁九  
住曰汝輩學古惟前言是信夷齊輕去其  
親不食周粟餓死首陽山仁者固如是乎  
匡曰不然古之賢者行其義也行其道也  
伯夷思成其父之志以去其國叔齊不苟  
從父之志亦去其國武王伐紂夷齊叩馬

而諫紂死殷爲周夷齊不食周粟遂餓而死正君臣之分爲天下後世慮至遠也非仁人而能若是乎是時世宗如春水顯宗從二人者馬上相語遂後顯宗遲九住至問曰何以後也九住以對顯宗嘆曰不以女直文字譯經史何以知此主上立女直科舉教以經史乃能得其淵奧如此哉稱善者良久謂九住曰論語知之爲知之不知爲不知是知也汝不知不達務辯口以難人由是觀之人之學不學豈不相遠哉顯宗嘗謂中侍局都監蒲察查刺曰入殿小底完顏訛出侍讀完顏撒速與我同族汝知之乎對曰不知也顯宗曰撒速始祖九世孫訛出保活里之世也始祖兄弟皆非常人汝何由知此顯宗命匡作睿宗功德歌教章宗歌之二十三年三月萬春節

全金詩卷之二  
里

顯宗命章宗歌此詞侑觴世宗愕然曰汝輩何因知此顯宗奏曰臣伏讀睿宗皇帝功德欲使兒子知創業之艱難命侍讀撒速作歌教之世宗大喜顧謂諸王侍臣曰朕念睿宗皇帝功德恐子孫無由知皇太子能追念作歌以教其子嘉哉盛事朕之樂豈有量哉卿等亦當誦習以不忘祖宗之功命章宗歌數四酒行極歡乙夜乃罷

睿宗功德歌

我祖睿宗厚有陰德國祚有傳儲嗣當立滿朝疑懼獨先啓策徂征三秦震驚來赴富平百萬望風奔仆靈恩光被時雨春暘神化周浹春生冬藏

**附**金史列傳二十五年匡中禮部策論進士是歲世宗在上京顯宗監國二月甲辰御試匡下第顯宗惜之謂侍正石敦寺家奴唐括曷答日侍讀二十一年府試不中



我本不欲侍讀再試恐傷其志今乃下第  
使人意不樂是歲初取止四十五人顯宗  
命添五人僕散訛可中在四十五人後除  
書畫直長匡與訛可俱爲侍讀匡被眷遇  
特異顯宗謂匡曰汝無以訛可登第快快  
但善教金源郡王何官不可至哉二十八  
年匡試詩賦漏寫詩題下注字不取特賜  
及第

完顏奉國

一首

補

**補**蒲城志金華州防禦使完顏奉國練軍  
太華山陰有書蒲城壁詩云云

書蒲城壁

閱兵肄武躍驂騶仰視蓮峰矚碧流縱是邊陲狼  
燼滅暫喧鉦鼓角聲幽如貔似虎威風銳積玉堆  
藍爽氣浮未老君恩須重報終焉更卜隱巖陬

李宸妃

附

**補**金臺集妝臺李妃所築今在昭明觀後  
妃嘗與章宗露坐上得句妃應聲云云

粧臺聯句

二人土上坐一月日邊明

**附**金史后妃傳章宗元妃李氏師兒大定  
末以監戶女子入宮是時宮教張建教宮  
中師兒與諸宮女從之學故事宮教以青

紗隔障蔽內外不得面見有問自障內映  
紗指字以請宮教自障外口說教之諸女  
子中惟師兒易爲領解建不知其誰但識  
其音聲清亮章宗問建女子誰可教者建  
對曰就中音聲清亮者爲最章宗以建言  
求得之宦者梁道譽師兒才美勸章宗納  
之章宗好文詞妃性慧黠能作字知文義  
尤善伺候顏色迎合意旨遂大愛幸明昌

四年封昭容明年進封淑妃已進封元妃

三金源

木虎邃

三首

補

**補**歸潛志木虎邃士元先名玪字溫伯金源納隣猛安也雖貴家刻苦爲學如寒士善與士大夫游初受學於辛敬之習左氏春秋後與侯季書交築室商水大野中惡衣糲食以吟詠爲事詩益工時余在淮陽屢相從講學迨北兵入河南被命提兵戍

亳州已而亳亂見殺年未四十也少年詩  
云山連嵩少雲烟晚地接嶠函草樹秋甚  
有唐人風致

寄劉祁京師

西湖風景昔同遊醉上蘭舟泛碧流楊柳風生潮  
水濶芙蓉烟盡野塘幽花邊落日明金勒雲裏清  
歌繞畫樓今夜相思滿城月梁臺楚水兩悠悠

睢陽道中

又渡澱江二月時淮陽東下思依依丘園寂寞生  
春草城闕荒涼對落暉去國十年初避亂投荒萬  
里正思歸臨岐却羨春來鴈亂逐東風向北飛

書懷

關東客子去遲遲飄泊炎荒兩鬢絲三楚樓臺淹  
此日五陵裘馬想當時春風草長淮陽路落日雲  
埋漢帝祠回首故鄉何處是北山天際綠參差

烏林達爽

二首

補

**補**歸潛志烏林達爽字肅孺金源世襲謀  
 克也風神蕭灑美少年性聰穎作奇語喜  
 從名士游居淮陽日詣余家夜歸其室鈔  
 寫諷誦終夕雖世族家甚貧為後母所制  
 踰冠未娶惡衣糲食恬如遇交游杯酒豪  
 縱可喜余謂使其志不輟年稍長則當魁  
 其輩流壬辰蹈水死詩才清麗俊拔似李

賀惜乎不見其大成也

鄴鏡

上有丹錫花秋河碎星斗磨研清且厲玉瑟鳴風  
埽

古尺

背逐一道十三虹赤鬣金鱗何天矯翻思昨夜雷  
霆怒只恐乘雲上天去

**附**歸潛志移刺都尉買奴字溫甫契丹世

襲猛安也讀史書慷慨有氣意喜交士大  
夫視金源同列諸人奴隸也嘗爲宣撫使  
便宜鄧豫閒以事杖殺經歷官坐廢後爲  
虎賁都尉提兵赴關中後由商南全軍而  
迴病死自號拙軒趙閒閒爲賦之諸公皆  
有詩平大初先子令葉余往省會溫甫屬  
余爲拙軒銘先子亦有詩

**附**歸潛志移刺樞密粘合字廷玉契丹世

全金詩卷首  
襲猛安也弟兄俱好文幕府延致名士初  
帥彭城雷希顏在幕楊叔能元裕之皆游  
其門一時士望甚重爲將鎮靜守邊不擾  
軍民便之天興東狩知國將亡率鄧州軍  
民詣宋人納款宋以兵馬轄處之賜第居  
襄陽未幾病死

**附**歸潛志南渡後諸金源世襲猛安謀克  
往往好文學與士大夫游如完顏斜烈兄

弟移刺廷玉溫甫總領夾谷德固木虎士  
烏林答肅如輩作詩多有可稱德固勇悍  
在軍中有聲嘗送舍弟以詩亦可喜天興  
初提兵戍譙軍亂見殺





溫迪罕某

溫迪罕某 一首 補

**補**溫迪罕某失其名官陝西州路按察使  
 按金史有溫迪罕達字子達明昌五年進  
 士嘗任陝西元帥府經歷及行樞密院經  
 歷官又有溫迪罕蒲察特真祐閒同知鳳  
 翔尹改京兆尹二人俱仕宦陝西而未嘗  
 言任按察使未知孰是

華清宮

泉聲夜作漏聲長  
月底驚回夢到鄉  
知我馬嵬曾  
過着枕邊嗚咽問興亡

五言

御訂全金詩增補中州集卷首下

金元好問原本

樂歌

一百五十一章

補

**補**金史金初得宋始有金石之樂然而未  
盡其美也及乎大定明昌之際日脩月葺  
粲然大備其隸太常者卽郊廟祀享大宴

全金言卷首  
大朝會宮懸二舞是也隸教坊者則有饒  
歌鼓吹天子行幸鹵簿導引之樂也有散  
樂有渤海樂有本國舊音世宗嘗寫其意  
度爲雅曲史錄其一俚者弗載云

**補**金史樂曲之名唐以和宋以安金以寧  
郊祀樂歌

皇帝入中壝宮縣黃鐘宮昌寧之曲

袞服穆穆臨於中壝瞻言園壇皇皇后帝禋祀肇

稱馨香維德爰暨百神於昭受職

降神宮縣乾寧之曲

我金之興皇天錫羨惟神之休爰茲郊見有玉其  
禮有牲其薦將受厥明來寧來燕

皇帝盥洗宮縣黃鐘宮昌寧之曲

因天事天惇宗將禮爰飭攸司奉時罍洗挹彼注  
茲迺升壇陞先事而虔神勞豈弟

皇帝升壇登歌太呂宮昌寧之曲

相在國南崇崇其址烝哉皇王維時蒞止至誠通  
神克禋克祀於萬斯年昊天其子

昊天上帝奠玉幣登歌太呂宮洪寧之曲

穆穆君王有嚴有翼珮環鏘然園壇是陟嘉德升  
聞馨非黍稷高明降監百神受職

皇地祇神寧之曲

肅敬明祇躬行奠贄其贄維何黃琮制幣從祀羣  
靈咸秩厥位維皇能饗允集熙事

配位太祖皇帝永寧之曲

肇舉明禋皇天后土皇祖武元爰作神主功昭耆  
定歌以大呂綏我思成有秩斯祐

司徒迎俎宮縣黃鐘宮豐寧之曲

穆穆皇皇天子躬祀羣臣相之罔不敬止俎豆畢  
陳物其嘉矣馨香始升明神燕喜

昊天上帝酌獻登歌太呂宮嘉寧之曲

郊禋展敬昭事上靈泰尊在席有配斯馨酌言獻

之靈其醉止福祿來宜以答明祀

皇地祇泰寧之曲

袞服穆穆臨被泰折於昭神宮理幣瘞血爰稱匏  
爵斟言薦潔方輿常安扶我帝業

配位太祖皇帝燕寧之曲

烝哉高后肇迪丕基功與天合配天以推薦時清  
旨孔肅其儀來寧來燕福祿綏之

文舞退武舞進宮縣黃鐘宮咸寧之曲

奉祀郊丘雲門變舞進秉朱干停揮翟羽於昭睿  
文復省聖武無疆維烈天子受祐

亞終獻宮縣黃鐘宮咸寧之曲

掃地南郊天神以埃於皇君在克禋克祀交於神  
明玄酒陶器誠心靖純非貴食味

皇帝飲福登歌大呂宮福寧之曲

所以承天無過乎質天其祐之惟精惟一泰尊爰  
挹馨香薦德惠我無疆子孫千億

徹豆登歌大呂宮豐寧之曲

大禮爰陳爲豆孔碩肅肅其容於顯百辟皇靈降  
監馨聞在德明禋斯成孚休罔極

送神宮縣園鐘宮乾寧之曲

赫赫上帝臨監禋祀居然來歆昭答祖配園壇四  
成神安其位升歌贊送天人悅喜

方丘樂歌

迎神鎮寧之曲

至哉坤儀萬彙資生稱物平施流謙變盈禮修泰  
折祭極精誠皇皇靈睠永奠寰瀛

初獻盥洗太簇宮肅寧之曲

禮有五經無先祭禮卽時伸虔惟時盥洗品物吉  
蠲威儀濟濟錫之純嘏來歆愷悌

初獻升壇應鐘宮肅寧之曲

無疆之德至哉坤元沉潛剛克資生實蕃方丘之  
儀惟敬無文神其來思時歆薦殷

初獻奠玉幣太簇宮億寧之曲

禮行方澤文物備舉惟皇地祇昭假來下奠瘞玉帛純誠內著神保是享陟降斯祐

司徒奉俎太簇宮豐寧之曲

四階秩儀壇於方澤昭事皇祇卽陰以壙潔肆於禘孔嘉且碩神其福之如幾如式

正位酌獻太簇宮溥寧之曲

蕩蕩坤德物無不載柔順利貞含弘光大籩豆旣

陳金石斯在四海永寧福祿攸介

亞終獻升壇太簇宮咸寧之曲

卓彼嘉壇奠玉方澤百辟祇肅八音純繹祀事孔明柔祇感格

徹豆應鐘宮豐寧之曲

修理方丘吉蠲是宜籩豆靜嘉登於有司芬芬馨香來享來儀郊儀將終聲歌徹之

送神林鐘宮鎮寧之曲

因地方丘濟濟多儀樂成八變靈祇格思薦餘徹  
豆神貺昭垂億萬斯年永祐丕基

宗廟樂歌

禘祫親饗皇帝入門宮縣無射宮昌寧之曲  
惟時昇平禮儀肇興鳴鑾至止穆穆造庭百辟卿  
士恪謹迎承恭隸祖考神宇攸寧

皇帝升殿登歌夾鐘宮昌寧之曲

升階及將  
還板位皆

同登  
歌

笙鏞既陳罍樽在戶升降有容惟規惟矩恭敬明  
神上儀交舉永言保之承天之祐

皇帝盥洗宮縣無射宮昌寧之曲

惟水之功潔淨精微洗爵奠斝於德有輝皇皇穆  
穆宗廟之威宜其感格福祉交歸

皇帝降階宮縣無射宮昌寧之曲

於皇神宮象天清明有來肅肅相維公卿禮儀卒  
度君子攸寧孔時孔惠綏我思成



迎神宮縣來寧之曲

八音克諧百禮具舉明德維清至誠永慕神之格  
思雲輶風馭來止來臨千祀燕處

司徒引俎宮縣無射宮豐寧之曲

維牲維犧齋明致祠我將我享吉蠲奉之博碩肥  
膾神嗜爲宜千秋歆此永綏黔黎

始祖酌獻宮縣無射宮大元之曲

惟酒旣清惟穀旣馨苾芬孝祀在廟之庭羞於皇

祖來燕來寧象功昭德先祖是聽

德皇帝大熙之曲

萬方欣戴鴻業創基瑤源垂裕綿瓞重熙式崇苾  
祀爰考成規籩豆有楚益臻皇儀

安皇帝大安之曲

爰圖造邦載德其昌皇儀允穆誕集嘉祥明誠昭  
格積厚流光祗嚴清廟鐘石琅琅

獻祖大昭之曲

惟聖興邦經始之初鳩民化俗還定攸居迪德純  
儉至規遠圖時哉顯祀精誠有孚

昭祖大成之曲

天啓璇源貽慶定基率義爲勇施德爲威耀武拓  
境功烈巍巍永昌皇祚均福黔黎

景祖大昌之曲

丕顯鴻烈基緒隆昌聖期誕集邦宇斯張尊嚴廟  
祏昭格休祥煌煌縟典億載彌光

世祖大武之曲

桓桓伐功天監其明惟威震疊惟德綏寧神策無  
遺鴻圖以興曾孫孝祀適昭厥成

肅宗大明之曲

於皇神人武烈文謨左右世祖懷柔掃除威震遐  
邇化漸蟲魚垂光綿永成帝之孚

穆宗大章之曲

烝哉文祖欽聖弘淵慈愛忠信典冊昭然歆此明

祀繁祉綿綿時純熙矣流慶萬年

康宗大康之曲

惟明惟聽熠熠神功儀刑世業昭格上穹持盈孝  
孫薦芳斯豐錫我祉福皇化益隆

太祖大定之曲

功超殷周德配唐虞天人協應平統寰區開祥垂  
裕肇基永圖明明天子敬承典謨

太宗大惠之曲

巍巍德鴻無爲端辰祚承神功究馴俗嫩清宮緝  
熙孝悌時祀欽奠著誠犧樽嘉旨

熙宗大同之曲

昭顯令德神基丕承對越在天享用躋升於穆清  
廟來燕來寧神其醉止惟欽克誠

睿宗大和之曲

皇祖開基周武殷湯猗歟聖考嗣德彌光啓祐洪  
緒長發其祥嚴恭廟享萬世烝嘗

世宗大鈞之曲

神之來思甫登於堂裸圭有瓚秬鬯芬芳巍巍先  
功啓祐無疆萬年肆祀孝心不忘

顯宗大寧之曲

於皇神功有嚴惟清吉蠲孝祀惟神之寧對越在  
天綏我思誠敷祐億年邦家之慶

章宗大隆之曲

兩紀踐祚萬方寧康文經天地武服遐荒禮備制

定德隆業昌居歆典祀萬載無疆

宣宗大慶之曲

猗歟聖皇三代之英功光先后德被羣生牲粢惟  
馨鼓鐘其鏗神兮來思歆於克誠

文舞退武舞進宮縣無射宮肅寧之曲

明明先皇神武維揚開基垂統萬世無疆千戚象  
功威儀有光神保是饗昭哉降康

亞終獻無射宮肅寧之曲

涓辰之休昭祀惟恭威儀陟降惟禮是從籩豆靜  
嘉於論鼓鐘惟皇受祉監斯德容

皇帝飲福登歌夾鐘宮福寧之曲

犧牲充潔粢盛馨香來格來享精神用彰飲此純  
禧簡簡穰穰文明天子萬壽無疆

徹豆登歌夾鐘宮豐寧之曲

孝祀肅睦明德以薦樂奏九成禮終三獻百辟卿  
士進徹以時小大稽首神保聿歸

送神宮縣黃鐘宮來寧之曲

潔茲牛羊清茲酒醴三獻攸終神既燕喜神之去  
兮載錫繁祉萬壽無疆永保禋祀

郊祀前朝享太廟樂歌

皇帝入門宮縣無射宮昌寧之曲

郊將升禋廟當告虔錫鑿戾止孝寔奉先祀事斯  
舉有序無愆祇見祖考神意懽然

皇帝升殿登歌夾鐘宮昌寧之曲

皇皇天子升自阼階莫見祖禰肅然有懷百禮已洽八音克諧既昌且寧萬福杳來

迎神宮縣來寧之曲

以實應天報本反始潔粢豐盛禮先肆祀風馬雲車神之弔矣來止來宜而燕翼子

皇帝盥洗宮縣無射宮昌寧之曲

有水於壘有巾於筐悅手拭爵圭袞有煒玄酒太羹德馨維菲萬年昌寧皇皇負辰

皇帝陞階宮縣無射宮昌寧之曲

降階同

巍巍京師有嚴神宮聖主戾止多士雲從來享來獻肅肅其容將昭大報庸示推崇

司徒捧俎宮縣無射宮豐寧之曲

陳其犧牲惟純與精苾芬孝思於昭克誠不疾瘼蠡或剝或亨洋洋在上以交神明

始祖酌獻宮縣大元之曲

猗歟初基肇我王迹其命維新貽謀丕赫綿綿瓜

全金言卷首  
三  
陟國步日闢堂構之成焜煌今昔

獻祖大昭之曲

以聖繼興成王之孚民從其化咸奠攸居清廟觀  
德猗歟偉歟金石備樂以奉神娛

昭祖大成之曲

東夷不庭皇祖震怒神武削平貽厥聖緒猶室有  
基垣墉乃樹億萬斯年天保孔固

景祖大昌之曲

於皇藝祖其智如神修法施令百度維新疆宇日  
廣海隅咸賓功高德厚耀耀震震

世祖大武之曲

於皇先王昭假於天長駕遠馭麾斥無前王業猶  
生孫謀有傳圓壇展禮敢先告虔

肅宗大明之曲

猗歟前人簡惠昭融相我世祖成茲伐功敷祐來  
葉帝圖其隆將修熙事先欵神宮

全金詩卷首  
穆宗大章之曲

仁慈忠信惟祖之休功光岐下迹掩商丘言瞻清  
廟懷想前修神其來格歆茲庶羞

康宗大康之曲

猗歟前王惠我無疆儀刑典法日靖四方永言孝  
思於乎不忘昭告大祀祗率舊章

太祖大定之曲

天生聰明俾乂蒸人惟此二國爲我毆民撻彼威

武萬邦咸賓明昭大報推而配神

太宗大惠之曲

維清緝熙於昭明德我其收之駿奔萬國南郊肇  
修大典增飭清廟吉蠲純禧申錫

睿宗大和之曲

維時祖功肇開神基昭哉聖考其德增輝上動天  
監民命攸歸貽謀翼子無疆之辭

文舞退武舞進宮縣肅寧之曲



先皇開基比迹殷湯功加天下武德彌光容舞象  
成干戈威揚於昭報本懷哉不忘

亞終獻宮縣肅寧之曲

於皇宗祊朝獻維時芬芬酒醴棣棣威儀誠則有  
餘神之格思神孫千億神其相之

皇帝飲福登歌夾鐘福寧之曲

皇皇穆穆丕承丕基躬親於禋載肅載祗對越在  
天神歆其誠於以飲酒如川之增

徹豆登歌夾鐘宮豐寧之曲

物維其時旣豐且旨苾苾德馨或將或肆神之居  
歆洽於百禮於萬斯年穰穰介祉

送神宮縣黃鐘宮來寧之曲

濟濟多儀皇皇雅奏獻終反爵薦餘徹豆神監昭  
回有秩斯祐無疆之福申錫厥後

昭德皇后別廟郊祀前薦享登歌樂曲

初獻盥洗夷則宮肅寧之曲

神無常享時歆精誠惟誠惟潔感通神明先事盥  
潔注茲清泠巾筐既奠尊彝薦馨

初獻升降殿仲呂宮嘉寧之曲

有來肅肅登降以敬粲粲衺服鏘鏘佩聲金石節  
奏既協且平其儀不忒乃終有慶

司徒奉俎奏夷則宮豐寧之曲

馨我黍稷潔我牲牲降升有節薦是吉蠲工祝致  
告威儀肅然神之弔矣元吉其旋

酌獻奏夷則宮儀坤之曲

倪天之妹坤德利貞園丘有事先薦以誠我酒既  
旨我殽既盈神其居饗福祿來成

徹豆奏仲呂宮豐寧之曲

明昭祀事舊典無違樂既云闋神其聿歸禮之克  
成神保斯饗於萬斯年迓續丕貺

禘禘有司攝事

初獻盥洗宮縣無射宮肅寧之曲

祀事之大齊栗爲先潔精以獻沃盥於前既灌以  
升乃薦豆籩神其感格歆於吉蠲

升自西階登歌奏夾鐘宮嘉寧之曲

餘並同  
親祀

國有太宮合食以禮躋階肅肅降陞濟濟鏘然純  
音節乃容止神之格思永綏福履

時享攝事登歌樂章

初獻盥洗無射宮肅寧之曲

酌彼行潦維挹其清潔齊以祀祀事昭明顯允辟

公沃盥乃升神之至止歆於克誠

初獻升殿夾鐘宮嘉寧之曲

餘同親祀唯  
不用宮縣

濟濟在庭祗薦有序雍容令儀旋規折矩爰俎於  
基鳴佩接武敬恭神明來寧來處

昭德皇后時享登歌樂章

初獻盥洗無射宮肅寧之曲

時祀有章禮備樂舉爰潔其盥亦豐其俎俯仰升  
降中規中矩神其來格百福是與

初獻升殿夾鐘宮嘉寧之曲

三獻及司徒降同

假哉神宮神宮有恤惟時吉蠲登升翼翼歌鐘鏘煌笙磬翕繹於昭肅恭靈釐來格

司徒奉俎無射宮豐寧之曲

宮庭枚枚鐘磬喤喤既儀圭鬯既奠膺薌齊莊奉饋籩豆大房靈之右饗流慶無疆

酌獻無射宮儀坤之曲

於皇坤德作合乾儀塗山懿範京室芳徽容聲如

在典祀惟時神其克享薦祉來宜

亞終獻無射宮儀坤之曲

嘉羞實俎高張在庭申獻合禮坤德儀刑神其是聽用鬯清明清明既鬯來享來寧

徹豆夾鐘宮豐寧之曲

禮成於終神心禋禋膺蕭發馨樂闕獻已徒馭孔多靈輿載軺青玄悠悠歸且億矣

宣孝太子別廟登歌樂章

初獻升殿夾鐘宮承安之曲

有膋斯牲有馨斯齊美哉洋洋升降以禮禮容既  
莊樂亦諧止神之格思式歆明祀

酌獻無射宮和寧之曲

於惟光靈孝德昭宣高麗有奕來寧來燕於薦惟  
禘既時既蠲從我烈祖載享億年

亞終獻和寧之曲

金石和奏豆籩惟豐祠宮奉事齊敬精衷笙吟伊

浦鶴駐緱峰是保是饗靈德無窮

徹豆夾鐘宮和安之曲

寢成奕奕今茲其時明稱肇祀將禮之儀侯安以  
懌羞嘉且時樂闋獻已神其饗思

大定三年十月追上睿宗冊寶應鐘宮顯寧  
之曲

天開休運積仁而昌命茲昭考敢忘顯揚上儀肇  
舉涓日之良來格來享惠我無疆

大定十九年升祔熙宗冊寶樂曲

恢大帝業救寧多方懿德茂烈金書發揚肇舉上儀涓擇吉日鴻名赫赫與天無極

上冊寶宮縣靜寧之曲

日卜其吉承祀孔肅廣號追崇孝心克篤於乎悠哉來思睟穆寶冊既陳委於宗祝

皇帝降殿宮縣鴻寧之曲

繼世隆昌臨朝靜默追諡鴻名發輝潛德玉質金

章煌煌簡冊涓辰展儀永傳無極

殿庭樂歌

大定七年七月上冊寶皇帝將升御座宮縣

樂太簇宮泰寧之曲

降座同

德隆帝位承天而興侯邦來庭民居安寧歸美以報傳之無極鴻名徽稱壽時萬億

冊寶入門奏天保報上之曲

四方既平功歸聖明定功巍巍丕享鴻名股肱良

哉揄揚元首儲精優游南山等壽

奉冊寶官復位歸美揚功之曲

聖德高明萬邦咸休錙銖陶虞糠粃商周維時羣

臣對敷稽首天子明明令聞不朽

冊寶初行奏和寧之曲

冊寶將升殿皇太子自侍立位至降階曲

並同

四方攸同昭哉成功時和年豐諸福來崇英聲昭

騰和氣充塞於乎皇王維壽時億

皇太子升殿賀奏同心戴聖之曲

穆清皇風遐方來同於昭於天物和歲豐丕受鴻  
名對揚偉績純釐穰穰敷錫罔極

舉酒萬壽無疆之曲

四海太平吾皇之功羣臣對揚誕受鴻名霞觴瓊  
腴君王樂豈皇天垂休萬壽無極

進第一爵登歌奏王道明昌之曲

對天鴻休於以鋪張巍巍煌煌超冠百王皇圖皇

綱時維明昌祉福無疆於民敷揚

行羣官酒宮縣和寧之曲

聖德高明如天強明多方治平功大有成流於聲音形於蹈舞頒觴羣臣以昭禮遇

進第二爵登歌奏天子萬年之曲

惟明后馭寰瀛躋升平飛英聲功三皇德五帝游巖廊億萬歲

行羣官酒宮縣和寧之曲

地平天成時和歲豐迓衡弗迷率惟敕功受天之祐四方來荷於萬斯年不遐有佐

進第二爵登歌嘉禾之曲

景命赫斯歸吾皇仁風洋洋被遠荒琛贄旅庭趨明光氣和薰蒸爲嘉祥殊本合穗真異常庾如坻京歲且穰猗歟鴻休超前王播爲聲詩傳無疆

大定十一年十一月行冊禮皇帝升座宮縣

泰寧之曲



皇皇穆穆袞服玉趾如日之升如山仰止九賓在  
列媚茲天子願言無疆介以繁祉

冊寶入門天保報上之曲

穆穆元聖天廸子保相維臣工以奏丕號揚於路  
朝玉牒神寶於萬斯年吾君壽考

奉冊寶官復位歸美揚功之曲

玉冊玉寶尊聖天子丕揚鴻名昭受帝祉閔休對  
天其隆孰比臣下同心翼戴歸美

皇太子升殿賀奏同心戴聖之曲

大矣我后徽冊膺受歡趨彤庭拜手稽首休明御  
辰無疆萬壽靈貺沓來天地長久

舉酒奏萬壽無疆之曲

聖德懋昭民歸天祐煌煌金書典冊光受備樂在  
庭八音諧奏羣公捧觴天子萬壽

進第一爵登歌王道昌明之曲

明明我皇道光化溥百度維新禮修樂舉藻飾太

平爛然可覩超躋三王輝映千古

設羣官食奏和寧之曲

穆穆我君威折羣醜輝光日新仁洽九有容典威  
蕤超前絕後端拱深嚴寶冊膺受

第二爵登歌奏天子萬年之曲

典禮修惟明后揚鴻名燦瓊玖羅華紳爲萬壽歌  
南山堅且久

行羣官酒奏和寧之曲

道隆政平天開有德萬國和寧來王來極昭受鴻  
名俯徇列辟錫飲行觴歡心各得

第三爵嘉禾之曲

衆瑞畢至昭昇平爰生嘉禾迺合穗膺膺大田無  
南東稼茂如雲成豐歲旣刈旣獲百室盈擊壤歌  
沸野老聲陶唐之民茲其比帝力何有若自遂

大定十八年十二月上受命寶奏泰寧之曲

上帝有赫懷此明德畀之神寶庸鎮萬國臨軒是

膺登降維則羣臣拜手年卜萬億

寶入門奏天保報上之曲

受命大寶昭答眷祐珍符明貺人爲天授文物具  
舉韶濩迭奏羣臣上之天子萬壽

羣臣合班奏歸美揚功之曲

德冒生民明明元后端冕臨軒神寶是受羣工來  
賀咸拜稽首無疆無期享祚長久

皇太子升殿宮縣稱觴介壽之曲

上儀昭舉膺時瑞玉羣辟在列蹌蹌肅肅袞衣桓  
圭歸美稽首升降惟時天子萬壽

舉酒萬壽無疆之曲

上帝眷命純休茲至誕膺洪寶光臨大器稱觴對  
揚嵩嶽萬歲其寧惟永無疆卜世

天德二年十月冊立中宮奏乾寧之曲

降座同

人道大倫王道所基明聖稽古陰教欲施臨軒發  
冊備舉彝儀麟趾關雎宜播聲詩

冊寶入門奏昌寧之曲

出門同

羽衛充庭淑旂徽章禮儀具舉涓辰以良相我內  
訓來儀椒房億萬斯年邦家之光

將受冊寶以冊寶入門宮縣奏肅寧之曲

塗山興夏關雎美周坤儀之尊母臨九州瑤冊禕  
衣光配凝旒地久天長福祿是適

后出閣奏順寧之曲

升降座同

天立厥配任姒比隆母儀四海化行六宮日月並

明乾坤合德於萬斯年作儷宸極

受冊奏坤寧之曲

風化之始由於壺闈禮文斯備爰正坤儀維順以  
慈儷聖同德則百斯男垂統無極

天德四年二月冊皇太子奏乾寧之曲

大君有為先圖本固涓辰之吉禮成儲副文物備  
陳聲樂皆具人心載寧克昌福祚

冊使入門昌寧之曲

在天成象煥乎前星惟聖時憲典禮以行一人有  
慶萬邦以貞社稷之福寢昌寢明

皇太子入門奏元寧之曲

出門同

皇矣上帝純佐明聖篤生元良日躋德性冊命主  
器萬邦以正龍樓問寢億年之慶

大定八年正月冊皇太子皇帝將升御座宮

縣洪寧之曲

會朝清明臨軒備禮天威皇皇臣工濟濟於昭元

良膺茲典冊對揚閔休卜年萬億

皇太子入門奏肅寧之曲

光昭前星惟天垂象稽古而行主器以長曲禮告  
成邇遐屬望國本旣隆繁釐永享

羣臣合班奏嘉寧之曲

於皇臨軒禮崇上嗣維眷之祺僚方正位言觀其  
儀翔翔濟濟美歸吾君太平萬歲

皇太子復受冊位奏和寧之曲

祖功艱難經營締構基牢根深枝繁葉茂於昭貽  
謀駢休集祐元良斯貞吾皇萬壽

大定二十七年三月冊皇太孫皇帝將升御

座宮縣泰寧之曲

上天叢休申錫祚胤孫謀有貽臨軒體正煌煌上  
儀欣欣衆聽隆我邦本無疆惟慶

皇太孫入門奏慶寧之曲

出門  
同

寶源流光流光惟遠孫謀有貽慶序昭衍於樂衆

望於皇備典動容周旋承茲嘉羨

羣臣合班奏順寧之曲

冕旒當宁徽章備舉綵仗充庭金石列簋濟濟多  
士翼翼就序海潤山暉傾聽樂府

皇太孫復受冊位奏保寧之曲

禮之攸聞丕建世嫡衆論協從天心不易名崇震  
宮辭著瑞冊社稷宗廟無疆夷懌

鼓吹導引曲

全金言卷首下  
天眷三年九月駕幸燕京導引曲無射宮  
五年一狩仙仗到人間問稼穡艱難蒼生洗眼秋  
光裏今日見天顏金戈玉斧臨香火馳道六龍閒  
歌謠到處皆相似天子壽南山

天德二年三月祫享迴鑾導引曲

禮成廟享御衛拱飛龍諸道起祥風太平天子多  
受福孝德與天通鳳簫龍管韶音奏聲在五雲中  
粲然文物昭治世萬億禩無窮

貞元元年三月駕幸中都導引曲并姑洗宮  
鑾輿順動嘉氣滿神京輦路宿塵清鈞陳萬旅隨  
天仗縹緲轉霓旌都人望幸傾堯日鼇抃溢歡聲  
臨觀八極辰居正寰宇慶昇平

采茨曲

新都春色滿華蓋定全燕時運千齡協星辰五緯  
連六龍承曉日丹鳳倚中天王氣盤山海皇居億  
萬年

貞元三年十一月祫享回鑾采茨曲

慶成迴大駕仙仗紫雲深龍袞輝千騎嵩呼間八  
音太平興縟禮萬國得歡心孝格迎遐福穰穰永  
降臨

正隆六年六月駕幸南京導引曲并林鐘宮  
神宮壯麗宮殿壓蓬萊向曉九門開聖明天子初  
巡幸遙駕六龍來五雲影裏排仙仗清蹕絕塵埃  
都人齊唱昇平曲更進萬年盃

采茨曲

雙闕層雲表澄景開清曉六龍天上來馳道平如  
掃虞巡五載合夏諺一遊同都人欣豫意寫入頌  
聲中

大定三年十月祫享回鑾采茨導引曲皆用

應鐘宮

自後親祀  
二曲並同

大宮崇烈考大禮慶初成綵仗迴雲步天階嚴蹕  
聲舜宮合至孝周頌詠維清介福應穰簡歡交萬



國情

導引曲

禮行清廟華黍薦年豐聖孝與天通六龍迴馭千  
官衛玉振佩環風黃麾金輅嚴天仗霏霧鬱葱葱  
工歌迭奏昇平曲福祿自來崇

大定二十七年三月皇太孫受冊謝廟導引  
曲

璿源濬發行慶自靈長聖運日隆昌震闡顯冊遵  
彝典基緒煥重光練時廟見嚴昭報禮樂粲成章  
精誠潛格神明助福祿永無疆

**附**大金國志熙宗幸燕始乘玉輅服袞冕  
儀衛方整肅時令翰林待制邢具瞻作引  
導詞

全金詩卷首

三

全  
金  
詩  
卷  
首  
下

三

